



অবিলম্বে প্রকাশের উদ্দেশ্যে: 12/16/2019

গভর্নর অ্যান্ড্রু এম. কুওমো

গভর্নর কুওমো 2020 স্টেট অফ দ্যা স্টেট-এর 2য় প্রস্তাব প্রকাশ করলেন: ওপিঅয়েড মহামারীর বিরুদ্ধে যুদ্ধকে এগিয়ে নিয়ে যাওয়ার উদ্দেশ্যে ফ্যান্টানাইল অ্যানালগের নিষিদ্ধকরণ

*গভর্নর ফ্যান্টানাইল অ্যানালগকে অন্যান্য নিয়ন্ত্রিত মাদকদ্রব্য বিক্রি কিংবা সাথে রাখার সমমাত্রার অপরাধ হিসেবে গণ্য করে আইন উত্থাপন করবেন*

*প্রস্তাবটি নিয়ন্ত্রিত মাদকদ্রব্যের ফেডারেল তালিকায় যুক্ত হওয়া নতুন যেকোনো ফ্যান্টানাইল অ্যানালগকে নিষিদ্ধ করার জন্য স্টেটের স্বাস্থ্য কমিশনার ক্ষমতা প্রদান করবে*

*গভর্নর যেসকল কমিউনিটিতে পৌছানো কঠিন সেখানে মেডিকেশন অ্যাসিস্টেড ট্রিটমেন্ট (Medication Assisted Treatment, MAT)-এ সম্প্রসারিত প্রবেশাধিকার রাখার প্রস্তাব করেছেন*

*গত 10 বছরের মধ্যে প্রথমবারের মত ওপিঅয়েডের অপরিমিত ব্যবহারজনিত কারণে মৃত্যু এবং হাসপাতালে ভর্তির সংখ্যা হ্রাসকারী ওপিঅয়েড মাদকাসক্তির বিরুদ্ধে গভর্নরের চলমান পদক্ষেপকে সামনে অগ্রসর করে*

গভর্নর অ্যান্ড্রু এম. কুওমো আজ তার 2020 স্টেট অফ দ্যা স্টেট এজেন্ডার 2য় প্রস্তাব প্রকাশ করেছেন: অন্যান্য নিয়ন্ত্রিত মাদকদ্রব্য বিক্রয় কিংবা সংরক্ষণ করার সমান অপরাধ হিসেবে গণ্য করার মাধ্যমে ফ্যান্টানাইল অ্যানালগ — একটি প্রাণঘাতী সিন্থেটিক ওপিঅয়েড যা মরফিনের চাইতে 50 থেকে 100 গুন বেশি শক্তিশালী — সেটিকে নিষিদ্ধকরণ আইন করা। এই আইনটি নিউ ইয়র্কের স্টেট স্বাস্থ্য কমিশনারকে নিয়ন্ত্রিত মাদকদ্রব্যের ফেডারেল তালিকায় যুক্ত হওয়া নতুন যেকোনো ফ্যান্টানাইল অ্যানালগকে নিষিদ্ধ করার ক্ষমতাও প্রদান করবে, যা স্টেটকে পরে পেছন পেছন দৌড়ানোর চাইতে এই সকল প্রাণঘাতী মাদকদ্রব্যের সাথে রিয়েল টাইমে লড়াই করতে সমর্থ করে।\_এছাড়াও গভর্নর যে সকল কমিউনিটিতে পৌছানো কঠিন সে সকল স্থানে ওপিঅয়েড আসক্তির রোগের মেডিকেশন অ্যাসিস্টেড ট্রিটমেন্ট-এ প্রবেশাধিকার বিস্তৃত করার ধারাবাহিক পদক্ষেপও প্রস্তাব করবেন। মেডিকেশন অ্যাসিস্টেড ট্রিটমেন্ট-এ মাদকদ্রব্য ব্যবহার ব্যাধির চিকিৎসায় শিক্ষা এবং কাউন্সেলিং এর সাথে ঔষধ ব্যবহার করা জড়িত থাকে।

"ওপিঅয়েড মহামারী একটি জনস্বাস্থ্য সংকট যা এই দেশ জুড়ে বহু সম্প্রদায়কে ধ্বংস করে চলেছে। নিউ ইয়র্কে আমরা এই রোগের বিরুদ্ধে লড়াইয়ের উদ্দেশ্যে আক্রমণাত্মক পদক্ষেপ নিয়েছি এবং 10

বছরের মধ্যে ওপিঅয়েড সংশ্লিষ্ট মৃত্যুর হ্রাসের ফলাফল দেখতে পাচ্ছি," **গভর্নর কুওমো বলেন।** "এই অগ্রগতি স্বেও ওষুধ ব্যবসায়ীরা ফ্যান্টানাইল অ্যানালগের সাথে ওপিঅয়েড এবং অন্যান্য অবৈধ ওষুধ মিশ্রিত করার দিকে ঝুঁকছে - এটি একটি মারাত্মক সিন্থেটিক ওপিঅয়েড যা বর্তমান আইনে নিষিদ্ধ নয়। এই দ্বিমুখী প্রস্তাবটি এই বিপজ্জনক ফ্যান্টানাইল অনুকরণকারীদের নিষিদ্ধ করার মাধ্যমে এবং দেরি হওয়ার পূর্বেই ওপিঅয়েড আসক্তিতে আক্রান্ত ব্যক্তিদের চিকিৎসা প্রদান করার মাধ্যমে এই সমস্যাটিকে মোকাবেলা করবে।"

### **ফ্যান্টানাইল অ্যানালগের তালিকাভুক্তি**

নিউ ইয়র্ক স্টেটে সামগ্রিকভাবে মৃত্যুর সংখ্যা হ্রাস পেলেও, ফ্যান্টানাইল এবং এর অ্যানালগগুলোর অতিমাত্রায় ব্যবহারজনিত কারণে মৃত্যুর ঘটনা নাটকীয়ভাবে বৃদ্ধি পেয়েছে। ফ্যান্টানাইল একটি অত্যন্ত শক্তিশালী সিন্থেটিক ওপিঅয়েড যা মরফিনের চাইতে 50 থেকে 100 গুণ বেশি শক্তিশালী। 30 মিলিগ্রাম হেরোইনের তুলনায়, মাত্র তিন মিলিগ্রাম ফ্যান্টানাইল প্রাণনাশক হতে পারে।

নিউ ইয়র্ক সিটির বাইরে নিউ ইয়র্কবাসীর মধ্যে ফ্যান্টানাইল এবং এর অ্যানালগ সংশ্লিষ্ট অপরিমিত মাত্রায় ব্যবহারজনিত মৃত্যুর হার 2016 সালে 124 শতাংশ এবং 2017 সালে পুনরায় 28 শতাংশ বেড়েছে। নিউ ইয়র্ক স্টেটে ফ্যান্টানাইল অ্যানালগ অবৈধ নয়। কারণ কেন্দ্রীয় সরকারের নিয়ন্ত্রিত পদার্থের তফসিলে কিছু অ্যানালগ নিষিদ্ধ হলেও সেগুলো স্টেটের তফসিলে তালিকাভুক্ত নয়। আইনের এই ফাঁক প্রতিরোধের রাস্তা কঠিন করে তোলে এবং আইনগত ব্যবস্থা নেয়া প্রতিরোধ করে। বর্তমানে, ফ্যান্টানাইল অ্যানালগ নিষিদ্ধ পদার্থের সাথে মিশ্রিত না করা হলে, কোনো তফসিল বহির্ভূত ফ্যান্টানাইল অ্যানালগ বিক্রি নিউ ইয়র্ক স্টেটের আইনের পরিপন্থী নয়।

এই সংকটের প্রতিক্রিয়ায়, গভর্নর অবৈধ ফ্যান্টানাইল অ্যানালগ নিষিদ্ধ করার উদ্দেশ্যে আইন প্রবর্তন করবেন। এই পদক্ষেপ বিচার করার একটি আইনি ফাঁক বন্ধ করে দেবে এবং ফ্যান্টানাইল অ্যানালগ অন্যান্য নিয়ন্ত্রিত পদার্থের বিক্রয় বা সংরক্ষণ করার মতো একই ফৌজদারি দণ্ডের আওতাধীন করবে। আইন প্রয়োগকারীদের উদীয়মান ফ্যান্টানাইল অ্যানালগ মাদক পাচারকারীদের গ্রেপ্তার ও বিচারের ক্ষমতা দেবে। এই নতুন বিধিমালা পুলিশ ও আইন প্রয়োগকারী কর্তৃপক্ষকে এই ওষুধগুলোর উৎপাদন, বিক্রয়, বিতরণের বিরুদ্ধে আইনের সর্বোচ্চ মাত্রায় মামলা করার কর্তৃত্ব প্রদান করবে।

প্রস্তাবিত আইনটি স্টেটের স্বাস্থ্য দপ্তরের কমিশনারকে নিয়ন্ত্রিত মাদকদ্রব্যের তালিকায় অতিরিক্ত অ্যানালগ যুক্ত করার ক্ষমতাও প্রদান করবে, যা বাজারে উপস্থিত হওয়ার সাথে সাথে স্টেটকে এই মারাত্মক পদার্থের সাথে প্রতিযোগিতায় এগিয়ে থাকতে সমর্থ করবে।

### **যেসকল কমিউনিটিতে পৌছনো কঠিন সেখানে মেডিকেশন অ্যাসিস্টেড ড্রিটমেন্ট-এ**

#### **প্রবেশাধিকার বিস্মৃত করা**

গভর্নর কুওমোর নেতৃত্বে, পূর্বের যেকোন সময়ের চাইতে বর্তমানে আরও বেশি নিউ ইয়র্কবাসীর নিকট মেডিকেশন অ্যাসিস্টেড ড্রিটমেন্টে - বা MAT - সুলভ রয়েছে। গভর্নর কুওমো ঔষধ প্রদানের জন্য উপযুক্ত মেডিকেল পেশাদারদের সংখ্যা বাড়িয়ে এবং মেডিকেশন অ্যাসিস্টেড ড্রিটমেন্ট (MAT) প্রদান করা যায় এমন সেটিংয়ের সংখ্যা বিস্মৃত করার মাধ্যমে আগ্রাসীভাবে MAT-তে

অ্যাক্সেস সম্প্রসারিত করার উদ্যোগ গ্রহণ করেছেন। 2019 সালে গভর্নর স্বাস্থ্য বিভাগকে (Department of Health, DOH) নির্দেশনা দেন যেন চিকিৎসার জন্য সেবার মান কিংবা চিকিৎসার জন্য রেফারেলের ভিত্তিতে আফিমজাতীয় পদার্থ ব্যবহারজনিত সমস্যা সমাধানের লক্ষ্যে স্টেটব্যাপী সব হাসপাতালে তাদের জরুরি বিভাগের জন্য চিকিৎসাবিধি তৈরি আবশ্যিক করা হয়।

গভর্নর কুউমোর নেতৃত্বে, নেশা পরিষেবা এবং সহযোগীতা কার্যালয় (OASAS) টেলিহেলথ এবং মোবাইল ক্লিনিক স্থাপনের মতো অভিনব সেবা বিতরণ মডেল ব্যবহারের মাধ্যমেও মেডিকেশন অ্যাসিস্টেড ড্রিটমেন্টকে সুলভ করেছেন। যারা চিকিৎসা গ্রহণ করায় যাতায়াত এবং অন্যান্য বাধার কারণে অন্যথায় সংশ্লিষ্ট হতে পারবে না সেই সকল জনগণের জন্য আসক্তি নিরাময় পরিষেবাতে এই পরিষেবাগুলোর সম্প্রসারিত প্রবেশাধিকার রয়েছে। তবে দুর্গম এই সম্প্রদায়গুলোতে MAT-কে সুলভ করার জন্য আরও অনেক কিছু করা যেতে পারে।

এই বছর, গভর্নর কুউমো মেডিকেশন অ্যাসিস্টেড ড্রিটমেন্ট-এ প্রবেশাধিকার বিস্তৃত করার উদ্দেশ্যে একাধিক আগ্রাসী পদক্ষেপের প্রস্তাব দিচ্ছেন, যেগুলোর মধ্যে রয়েছে:

- **মেডিকেশন অ্যাসিস্টেড ড্রিটমেন্ট এবং জরুরি রেফারেল (Medication Assisted Treatment and Emergency Referrals, MATTERS)-এর সম্প্রসারণ:** গভর্নর কুউমো এমন একটি পরীক্ষামূলক প্রকল্প সম্প্রসারণের প্রস্তাব করেছেন যা জরুরী বিভাগগুলোতে ওপিঅয়েড ব্যবহারজনিত ব্যাধি দ্বারা চিহ্নিত রোগীদেরকে MAT প্রদান করবে। 24-48 ঘন্টার মধ্যে এই লোকদেরকে দ্রুত নিজের পছন্দের একটি কমিউনিটি ক্লিনিকে দীর্ঘমেয়াদী চিকিৎসায় স্থানান্তরিত করা হবে।
- **MAT টেলিমেডিসিন কর্মসূচি:** গভর্নর যেসব ডাক্তার টেলিহেলথ এর মাধ্যমে বুপ্রিনর্ফিন বিধান করতে পারেন, তাদের সাথে জরুরী বিভাগগুলোর সংযোগ স্থাপন করে MAT অ্যাক্সেস উন্নত করার প্রস্তাব করেন।
- **টেলিহেলথ ও মোবাইল ক্লিনিকে প্রবেশাধিকার সম্প্রসারণ:** গভর্নর আসক্তি পরিষেবা এবং সহযোগীতা কার্যালয়কে (OASAS) স্টেট জুড়ে অপরিাপ্ত সুযোগ সুবিধা পাওয়া কমিউনিটিগুলোতে স্টেট জুড়ে প্রতিটি অর্থনৈতিক উন্নয়ন অঞ্চলে একটি করে, 10 টি নতুন মোবাইল ক্লিনিক যুক্ত করার মাধ্যমে এই সংস্থাগুলোর অ্যাক্সেস বিস্তৃত করার নির্দেশনা প্রদান করবেন। এছাড়াও, স্টেটের প্রতিটি অঞ্চলে আসক্তি চিকিৎসায় প্রবেশাধিকার নিশ্চিত করার উদ্দেশ্যে, গভর্নর OASAS-কে স্টেট জুড়ে প্রতিটি কাউন্টিতে কমপক্ষে একটি আসক্তি চিকিৎসা কর্মসূচীর সরঞ্জামের তহবিল সরবরাহ করার মাধ্যমে টেলিহেলথ সক্ষমতা বৃদ্ধির নির্দেশনা দিবেন।
- **সংশোধন সেটিং-এ মেডিকেশন অ্যাসিস্টেড ড্রিটমেন্ট-এ প্রবেশাধিকার সম্প্রসারণ:** গভর্নর কুউমো সংশোধন এবং কমিউনিটি তত্ত্বাবধায়ন দপ্তরকে (Department of Corrections and Community Supervision, DOCCS) বর্তমানে মেথাডন প্রদান করে এমন 7টি স্থানে মেডিকেশন অ্যাসিস্টেড ড্রিটমেন্ট-এ বুপ্রিনর্ফিন দেয়ার মাধ্যমে প্রবেশাধিকার বিস্তৃত করার জন্য নির্দেশনা প্রদান করবেন। এছাড়াও, গভর্নর একটি ওপিঅয়েড চিকিৎসা কর্মসূচী পরিচালনার উদ্দেশ্যে জাতীয় শংসাপত্র

এবং অনুমোদনের জোগাড় করার জন্য সংশোধন এবং কমিউনিটি তত্ত্বাবধায়ন দপ্তরকে নির্দেশ দেবেন, যা দেশের মধ্যে প্রথম স্টেট সংশোধন-পরিচালিত OTP সৃষ্টি করবে।

### ওপিঅয়েড মাদকের বিরুদ্ধে লড়াইয়ে নেতৃত্ব প্রদান

দায়িত্ব গ্রহণের পর থেকে গভর্নর কুউমো ওপিঅয়েড মাদকের মহামারী মোকাবেলায় আগ্রাসী, বহুমাত্রিক দৃষ্টিভঙ্গি প্রতিষ্ঠা করেছেন এবং ক্ষতি হ্রাস, প্রতিরোধ, শিক্ষা, চিকিৎসা এবং পুনরুদ্ধার পরিষেবার মাধ্যমে আসক্তি সেবার একটি জাতিকে-নেতৃত্বদানকারী ধারাবাহিকতা তৈরি করেছে। এই মহামারী মোকাবিলার উদ্দেশ্যে, গভর্নর সঙ্কট পরিষেবা, হাসপাতালে অবস্থানরত রোগী, বাইরে থেকে আসা রোগী এবং আবাসিক চিকিৎসা কর্মসূচির পাশাপাশি মেডিকেশন-অ্যাসিস্টেড ড্রিটমেন্ট, টেলিহেলথ সম্প্রসারণ ও ভ্রাম্যমাণ চিকিৎসা এবং পরিবহন পরিষেবাগুলো সহ ঐতিহ্যবাহী পরিষেবাগুলোতে প্রবেশাধিকার বিস্তৃত করার জন্য কাজ করেছেন।

2016 সালে গভর্নর কুউমোর হেরোইন টাস্ক ফোর্স নতুন, প্রথাগত নয় এমন পরিষেবার সুপারিশ করে, যার মধ্যে ছিল নিরাময় কেন্দ্র, তরুণদের ক্লাবহাউস, সম্প্রসারিত পিয়ার পরিষেবা, চিকিৎসা উদ্ভাবনী কেন্দ্র, মাদক ব্যবহারকারীর স্বাস্থ্য এবং 24/7 খোলা থাকে এমন কেন্দ্র, যা তাৎক্ষণিক মূল্যায়ন এবং সেবাপ্রাপ্তির রেফারেল প্রদান করে। পরবর্তীতে এই সেবাগুলি স্টেটের বহু কমিউনিটিতে স্থাপন করা হয়েছে এবং মানুষকে তাদের আবাসস্থলের কাছেই প্রয়োজনীয় সেবা পেতে সহায়তা করেছে।

মানুষ যাতে আরও দ্রুত চিকিৎসা পেতে পারে সেই জন্য গভর্নর অনেক বিমা সীমাবদ্ধতা বাতিল সহ তীব্র ব্যাখার জন্য আফিমজাত প্রেসক্রিপশনের সময় 30 দিন থেকে 7 দিনে কমিয়ে আনা, প্রেসক্রাইবারদের প্রশিক্ষণ বৃদ্ধি ও শিক্ষা উন্নত করার জন্য আর উন্নত আইনি ও নিয়ন্ত্রণকারী বিধিবিধান সংশোধন করেছেন। এছাড়াও রোগী নিয়ে দালালি এবং আসক্তির ভুয়া চিকিৎসার বিরুদ্ধেও গভর্নর কুউমো পদক্ষেপ নিয়েছেন।

গভর্নর প্রশাসন ও নালোক্সনের প্রাপ্যতা সম্পর্কে প্রশিক্ষণ বাড়াতেও কাজ করেছেন, ফলস্বরূপ নিউইয়র্ক রাজ্যের 420,000 জনেরও বেশি লোক প্রশিক্ষিত হচ্ছেন ও ওপিঅয়েড মাদকের অপরিমিত ব্যবহার ঘুরিয়ে দেয়ার ওষুধ পাচ্ছেন। গভর্নর কুউমোর পদক্ষেপের মাধ্যমে, নিউ ইয়র্ক স্টেটের প্রায় 2,600টিরও বেশি ফার্মাসি এখন তাদের স্বাস্থ্যসেবা সরবরাহকারীর কাছ থেকে কোনও প্রেসক্রিপশনের প্রয়োজন ছাড়াই নালোক্সোন সরবরাহ করতে পারেন।

এই প্রচেষ্টাগুলোর কারণে, নিউ ইয়র্ক স্টেটে আফিমজনিত ওভারডোজে মৃত্যুর ঘটনা এক দশকে মধ্যে প্রথমবারের মতো হ্রাস পাচ্ছে, 2018 সালে 13.46 শতাংশ কমছে। আফিম-সংক্রান্ত ওভারডোজের হাসপাতাল ভর্তি 7.1% কমেছে।

###

অতিরিক্ত তথ্য পাওয়া যাবে এখানে [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসারস্বাহিব করুন](#)